

12. *Gu pei'vv da mooččas čäkkli liä vuâhmen*

Hepsulihei!

Tä'lvv lij ää'n.

Mâst teätt, što lij tä'lvv?
Tälvva mii-ne lij tuõdi occanj, jõs ni voo'ps.

Mii tälvva lij occanj?
Na, tälvva pei'vv ij čuõvâd ni voo'ps tääi'ben Lappi beä'lnn.
Da tä'l, gu mõõnam Pe'lljtuõddra, vi'skkes pei'vv ij čuõvâd ni voo'ps, ij tuõdi ni voo'ps, ij kuõsttu pei'vvšuõnn, ij kuõsttu.


Teäðak tâma tõn, mii äi'gğ tä'l lij,
gu pei'vv ij čuä'jet jiijjâs
da lij lõõmmâm põõlvi tuäkka da mon kuärnam Pe'lljtuõddra?

Tä'l lij tä'lvv da skamm da jooul.
Jooul poodd še pei'vv vuâh!
Tõ'st teätt, što lij tää'lv luõmpodd.

Gu pei'vv lij lõõmmâm da vuâhmen,
i'llak kuuitâg nu'tt seu'ñjed gu
mädd lij kuâlddjam viõ'lğges muõtti vuâlla da lij čuõvvääb gu muõttgâte'mes mädd.
Da ää'lmešt liä jee'res čuõveei tä'l še, gu pei'vv lij lõõmmâm.
Tuõdi tõk čuõveei jiä paakkâd seämmanalla mâte pei'vv,
leäša ou'dde siõmmna čuõv.
Mäännte'ppjeä'kkäi mään pärččas jorbân le'be sie'gğes sie'rppen
le'be lâä'kken njeâkkad kuäbba-ne ärra.
Kiõčč mâka, koon ärra tõt lij kuärnam tä'bbe?
Jooul poodd mään kuâsttai, leäša i'llak samai jorbipäll kuuitâg.

Jooul poodd mõõnam teäðast Pe'lljtuõddra.
Pe'lljtuõddâr lij tääi'ben Urho Kekkonen meermie'ccest,
ko'st mon še jâlsta.

Pe'lljtuõddâr lij čäkksaš tuõddâr,
koon čää'kkest jiä šõõd muõr ni voo'ps,
leäša vue'lnn röddjest da pirr lij kuõssvu'vdd.



Pe'ljtuoddâr lij možât vuäžžam
nõõm tõ'st, gu ku'kken kiičcee'l kuâsttai nu'tt,
mâte â'Immruõbd vuâstta kuâsttje'ce kue'htt pee'llj.
Jiâ nõkam uu'cces da mooččâd, nu'tt mâte tuu pee'llj.
Jiâ-ka nõkam mooččâs čäkkli pee'llj.
Leâša ku'kken kiičcee'l Pe'ljtuoddâr kuâsttai mâte pie'nne,
lâ'dd pie'nne, ceäggpe'llj pie'nne pe'lljen.

Gu samai tärkka kiõččak,
na vuâmmšak,
što Pe'ljtuoddrest liâ õhtte'žze kolmm pee'llj le'be tõt lij koolmčåkksaž.

Pe'ljtuoddra mõõnam jooulpoddân teäđast tõn diõtt,
gu jooulkällsaž jäälâst to'ben.
Da võl tõ'nt mõõnam gu Pe'ljtuoddâr pïrr lij kuõssvu'vdd,
to'ben šâ'dde âhssai, čäkklä'đvv da õll ruõnâs kuõzz.
To'ben liâ teäđast tuõđi jiânnai joouлкуõzz!
Joouliinn poodd kuuitâg muu čõõ'lmid kuâsttai,
mä'htt juõ'kkkaž kuõss vuäžž lăđvva ââ'lm tää'sn.

Šiõgg rosttov da leklvaž odđ ee'kk!

Ėe'lskaž

Čäkklee aa'sšid ru'stjji tääzz põ'mmja Kristiina Aikio. Jâârglõ'tti: Hilikka Fofonoff.

Jooulhåâm

Pïirâst kaart,

- ko'st kuâsttai Pe'ljtuoddâr, koon čââ'kkest jeä'la ni voo'ps kuõzz
- piirâst tuõddâr pïrr mängg ruânn'jam kuõzz
- piirâst juõ'kk kuõzz lăđvva tää'sn
- âlmma vuäitak pïrsted še mannu kuärgast pägsted

